

Pakatan harus menang undi wanita untuk tawan Putrajaya
Malaysian Insider
Sept 29 , 2013
OLEH EILEEN NG

Walaupun berjaya memenangi undi anak muda, DAP mengakui Pakatan Rakyat (PR) masih gagal untuk memenangi undi wanita dan ini boleh mengagalkan impian mereka menawan Putrajaya dalam pilihan raya umum akan datang.

Setiausaha Agung DAP, Lim Guan Eng turut mengakui, Umno yang menjadi tulang belakang Barisan Nasional (BN) lebih berjaya menawan golongan berkenaan.

“Walaupun PR berjaya menawan imiginasi orang muda dengan melibatkan mereka dengan kebebasan, hak asasi, pengetahuan, kemahiran dan tanggungjawab, PR gagal menarik perhatian wanita.

“Tanpa sokongan wanita, PR tidak boleh berharap untuk menang,” katanya dalam ucapan sebelum pemilihan Ahli Jawatankuasa Pusat (CEC) DAP hari ini.

Untuk menyelesaikan masalah ini, Lim yang juga Ketua Menteri Pulau Pinang, berkata perlu ada program sistematik untuk wanita seperti dilakukan di negeri utara itu.

Katanya, ini termasuk pemberian wang tunai RM100 kepada suri rumah dan penubuhan Briged Wanita. – 29 September, 2013.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/pakatan-harus-menang-undi-wanita-untuk-tawan-putrajaya>